



唱百

錄

日

洲



百日酬唱錄

共 / 册 存 / 册 排架号 06785

甲寅季冬
林氏藏版

百日酬唱錄序

永嘉爲浙東名勝地朔甌江而上洞天福地清淑之氣磅礴而鬱積歷稽志乘士之生於其間者藉山川之鍾毓發爲詩歌文詞以馳聲於當世代不乏人歲庚戌林子甄宇襟宇昆仲來吾校永嘉學者之來自二子始余則喜甚而二林子之爲文類皆闕壯雋秀善反覆馳騁窮極事理竊歎林氏有二難而山川之鍾毓於是乎有徵也二林子在校數載業成而歸荒江寂寞時來商量舊學以書冊或作詩歌文詞以見貽余不文不能與二林子倡和惟余疲於

校務所接者無非塵俗事獨二林子之貽余者使余得增益其精神之愉快余亦幸矣哉今襟宇已游美洲由甄字出示吟草乃其昆仲畢業後百日間之所作師友賡和兄弟贈言陽關之疊珍重別離蓋不在瑣瑣韻事間也抑余聞之自來奇特之士必周歷乎通都大邑名山巨川而其後詩歌文詞益工二林子好游常僕僕於外而襟宇又隻身西球以游文明之邦讀萬卷書走萬里路他日出其著述辱以顧余當更有助余張目者則余之幸又將何如也
民國三年冬月上海南洋中學校長王培孫序

百日酬唱錄序

浮沚距生薑門僅數十武在淨光山之東曲水四繞如載舟然周圍繚以巨垣四時雲物與山色湖光相輝映每一憑欄眺望恍乎置身濠濮間相傳爲宋周恭叔先生讀書處卽古西射堂遺址也辛亥冬家君念爲鄉先哲遺蹟以重金購得之復爲召工修葺不闕月頓復舊觀仍以浮沚名焉家君好吟詠喜交游往來皆一時名宿春秋佳日朋輩三五藉酬唱以爲常自惟此樂南面王不足與易是年秋甄兄弟先後旋里侍養於茲非敢效恭叔先生之泛然

出油然歸也蓋以便定省計耳講藝之餘衆賓畢集痛飲
高歌極一時盛會古之東山北海不是過焉時值陵谷變
遷風雲迴薄人方求一日之安而不可得獨吾儕僻處海
濱猶假一廬嘯傲亦幾幾乎不知有漢何論魏晉故其發
而爲詩或慷慨激昂或嬉笑怒罵隨其所遇聊抒吾情其
詞異其情則無不同用是知蠶塵以外之別有天地也甄
與諸君子游懋前後惟百日耳不意荏苒光陰離多會少
甄兄弟且又游學異方與諸君子復將遠別而仲弟欲以
百日酬唱錄人手一編豈慮他日無覆瓿物耶抑重有雪

泥鴻爪感耶則均非甄之所知也

民國三年舊曆甲寅冬月林第一郎甄宇氏序

百日酬唱錄序



秋間自滬上南洋中學歸省從諸父執後覽故鄉山水談
今昔逸聞賞奇析疑藉開茅塞曜靈既匿繼以華鐙發幽
情於師古摠懷抱於崇朝十旬之內積詩百首妍醜莊諧
都爲一集或譏爲好事而不顧也夫別易會難昔人同慨
境不可移時不可再風人維繫之歌陳氏車轄之投情之
所致振古如茲矧余與諸君子文字周旋百日間連輿接
席騁懷寫憂互相切劘以永昕夕一旦雨雪霏霏金銜欲
去揚鞭道左悵悵難辭送者自厓而返行者益自此遠矣

望風懷想能無於邑身涉重洋神馳故國三秋比於一日
離索動如參商停雲落月憶好友兮難忘白露蒼葭望伊
人而不見雖眷已往之樂祇增未來之悲嗒焉怒焉何嗟
及矣斯時所惓惓者惟酬唱錄爾一展覽焉有如面覲則
是諸君子之英華失之則精散思絕心折骨驚存之則蠲
我心痲而無膏焉得魚忘筌得兔忘蹄夫何不樂而爲之
與且聞之莫爲之前雖美弗彰莫爲之後雖盛弗傳諸君
子既不我遐棄當擣我私忱其各珍藏之藻飾之使是集
播諸雞林蜚諸菽苑豈不快甚若其度之高閣棄若敝蹤

徒令後人笑汝拙也則我將以莊生告惠子剖瓜之意爲
諸君子進一解焉夫後人之所拱壁者前人之糟粕也前
人之所覆瓿者後人之黼黻也諸君子優柔饜飫瓌奇瑋
異弼其中而彪其外殫乎見而洽乎聞其歌也有思其哭
也有懷發綺繡之織穠綴色絲之異采各抒所志情見乎
辭故當日莫酒闌合尊促坐俯而談心仰而賦詩擬元寶
之互唱於蘭陵裴王之相酬於輞川或沈李浮瓜或剖橘
分柚或登高而賦玉鑾或未雪而鬪尖叉莫不續萬彙以
成章效續騷之九辯蓋詩者言之文言者心之聲故詩不

以文害辭不以辭害志街談巷語皆爲入雅之材刻桷丹
楹徒有雕蟲之巧諸君子生當斯世固宜竭誠謀國有所
幹旋而獨紀之以文物發之於聲歌侘日太史採風輶軒
備錄詩雖小道蓋有取已余也備脊樑杙無似自分東轡
不值一粲然頑石遇李廣而爲虎蒼苳因馬援而疑珠奔
踈成駿在於一言驥尾之蠅能致千里余之得濫廁於諸
君子末者皆諸君子賜也

民國三年舊曆甲寅冬至日林第二郎襟宇氏纂於永嘉
古西射堂

百日酬唱錄目錄

卷上

浮沚聯句

挈甄襟兩兒過蜃川

曉望

獨夜

絕句

西山晚憩

浮沚聯句

浮沚

浮沚

浮沚

浮沚

浮沚

如此

浮沚

閨情

浮沚

有感

浮沚

題許乙仙運甓齋詩鈔

浮沚

鄭品堂丈就養黔中賦此贈別

浮沚

小西湖夜步聯句

面壁圖為朱曉巖題

浮沚

自題齋壁

浮沚

席上口占

浮沚

不寐

浮沚

壽吳子蓮五十

浮沚

題菊影圖

浮沚

看菊贈楊淡風

浮沚

送友人重游鄂州次韻

浮沚

梅妃

浮沚

夜坐話舊

浮沚

詠鷄冠花

浮沚

次韻

楊遠峯

題半村半郭圖寄浮沚

錢伯吹

浮沚題壁

左菘軒

醉吟呈浮沚主人

楊淡風

贈甄宇襟字二十韻

楊淡風

重游飛霞洞

鄭坎園

憶舊

甄宇

游雪山

甄宇

謁葉水心先生墓

甄宇

讀史有感

甄宇

送陳彥甫歸里

甄宇

浮沚聯句

客中秋懷次韻八首

甄宇

賀甄宇嘉禮祝詞

左菘軒

催妝詞賀伯兄甄宇

襟宇

與李劍青夜話

襟宇

送陳彥甫歸里

襟宇

雪山謠

襟宇

讀史

襟宇

曉起

襟宇

題梅花畫幀

襟宇

九日借襟宇買舟登吹臺山

施肅丞

次韻

襟宇

無題錄示襟宇

錢伯吹

贈別兼示襟宇

李劍青

秋感錄呈襟宇

徐筱墀

寄懷襟宇

鄭湘舫

浮沚芙蓉盛開卽席聯句

同人浮沚夜飲以猶有黃花晚節香句分詠 鶴頂格

和浮沚猶有黃花晚節香社題 依用鶴頂格

胡濬智

浮沚重叙同人以楓落吳江冷句分詠

和楓落吳江冷社題原韻 符笑拈

和楓落吳江冷社題 潘季俠

浮沚聯句

卷下

游學美洲賦此留別

襟宇

送別襟宇即次原韻

項輿卿

次襟宇二兄留別原韻

楊中競

送襟宇游學美洲

顧平之

符笑拈

葉嘯溟

徐班侯

楊淡風

陳子萬

陳莠亭

楊遠峯

許乙仙

錢伯吹

錢仲吹

羅光甫

陳墨農

施肅丞

鄭俠腸

李劍青

任公衡

潘志謙

襟宇世講游學美洲適余客滬上於其臨行時賦此

送之

胡榕村

襟宇游學美洲臨行索句口占奉贈

陳仲陶

乘風破浪行送襟宇

潘季俠

襟兒赴美示以一律

浮沚

仲弟襟宇游學美洲賦此誌別

甄宇

百日酬唱錄卷上

永嘉林第二郎襟宇氏編

林第一郎甄宇氏校

浮沚聯句

草堂此日酒盈尊海外風雲未可論湖南若輩功名新蟻

夢一回歌哭舊鵲魂劍青求賢宣室自虛席招隱東山卻

有墩乙仙千古大才幾盤錯斜陽珍重是黃昏浮沚

挈甄襟兩兒過蜃川

浮沚

川逝不曾停雨餘草蔦青江山誰潤色殘照御書亭

曉望

浮 泚

連朝雨大芭蕉長更喜綠槐膩似油十萬人家烟四起爲
誰破曉一登樓

獨夜

浮 泚

陡向階除立大千予中萬緣息如水百感亂於叢星石
目雙眩蚊雷耳一聾五更雞遞唱天帝醉夢夢

絕句

浮 泚

向晚渾無事開簾娛白鷗倪迂一幅畫平遠入秋山

西山晚憩

浮 泚

叢祠西接板橋東颯颯吹來大樹風節近中秋晴更好人
臨仙境慮皆空平湖水漲低浮犢隔岸霞飛遠送鴻今古
興亡憑一夢夕陽亭畔話漁翁

浮泚聯句

風篩庭竹影欹斜乙仙寫罷新詞燭未花萬籟有聲覓不
得浮泚五更涼月在窗紗乙仙

熱得深宵一瓣香灞南瑤池青鳥日淒涼菱枝祇爲風波

惡浮泚一度相思一斷腸灞南

如此

浮 泚

06785

卷上
壓窗燈影擱秋蟲香散木犀深院中如此已涼未寒夜冬
郎吟苦不求工

閨情

浮 泚

風吹簷鐸不成聲塘外芙蓉坐四更繡出紅鱗三十六祇
因一水礙通情

有感

浮 泚

沉沉雲霧海之東蛟走蛇奔挾大風浪說仙槎渡蓬島更
誰長劍過崆峒千秋豪傑供殘殺一笑優曇幻太空古往
今來只如是澧蘭沅芷思無窮

題許乙仙運甕齋詩鈔

浮 泚

一篇聲價落霞重百戰功勳大樹輕手種江南十萬柳年
年官道盼吟旌

鄭品棠丈就養黔中賦此贈別

浮 泚

男兒四十爲官日萬里何辭跋涉艱書雁西來阻風雨杖
鳩南望隔雲山笑談老帶莊襟外行李繁星曉月閒一去
河陽花滿縣朝朝戲綵博歡顏

小西湖夜步聯句

波心躍鯉大於牛浮泚誰向秋塘下釣鈎劍青幾點齊烟

莽如許乙仙人閒何處訪羊裘浮沚

明月無聲過女牆乙仙重來夜色轉蒼涼浮沚行人莫問

西湖水劍青歌舞於今又一場浮沚

沿隄倒影半樓臺乙仙多少荷葉帶露開浮沚流水小橋

人語後劍青西風深巷豹聲來乙仙

面壁圖為朱曉巖題

浮沚

一篇隔下等拘迂塵世功名幾自如金石千年羅漢壽雲
烟三昧輞川圖宰官法且現身說才子名應作佛呼重過
東山無限感達摩早已徹空虛

自題齋壁

浮沚

元豐人物推恭叔典午文章說謝公地下有靈添一笑千
金買宅富家翁

席上口占

浮沚

有酒須當長夜醉無花那遣此生愁信陵未死鍾期在風
雨秋聲共一樓

不寐

浮沚

樓上陡聞樓下波深潭知有老龍過松風到枕秋攬雨山
鬼吹燈睡引魔立脚塵中誰赤縣驚心天上是黃河輪迴

卷四
四
賸箇恒沙數一笑書城擁澗適

壽吳子蓮五十

浮沚

五十頭還黑相隨每比肩山中兩眷屬海上一神仙鴻廡
賃春日鹿車偕隱年黃花三徑豔祝嘏快開筵

題菊影圖

浮沚

一笑霜叢現化身是空是色總宜人捲簾掩映朱顏瘦對
鏡蕭疏綠鬢新風緊庭階無定相月明籬落自傳神年來
世味澹如此寫入毫端恐未真

看菊贈楊淡風

浮沚

蓬門落葉鎖閒吟風鶴鄉關一愴心月地將誰飛酒盞霜
天何處豁塵襟黃花對客更籌短白鴈橫江鼓角沉猶幸
滄桑三徑在年年籬下鎮相尋

送友人重游鄂州次韻

浮沚

侘傺風塵仗劍遊布衣八座拜荊州妙年入幕超多思暇
日登樓粲善憂返國蘇秦書再上出關元結駕難留儒生
大半因循誤勇進還須競上流

梅妃

浮沚

當時傾國妬顏紅佳麗三千滿後宮一斛真珠恩不淺長

門日暮倚秋風

夜坐話舊

浮沚

迂疏如舊日等是草茅人身世何堪想言辭不厭真病多
鑪貯藥性懶硯生塵相對梅花笑空山雪自春

詠鷄冠花

浮沚

影落瑤臺舞乍停昂然階下血猶腥結纓自是英雄事風
雨瀟瀟不忍聽

次韻

楊遠峯

曾逐三郎鬪莫停滿頭歸帶血花腥而今一落茅檐下五

夜談玄了不聽

錢伯吹

花唱後庭夢未停秋風猶帶淚痕腥如今結就相思種任
是鷄人踞不聽

題半村半郭圖寄浮沚

左菘軒

半村半郭幾人家到此渾忘獬豸衙白菟自培賢守菜青
藤學種故侯瓜飛來瘦石雲千疊築得平橋水一涯日暮
蟬聲高樹過為尋鶴料傍魚叉

浮沚題壁

楊淡風

築得園林幾度霜
慣來松下恣徜徉
文章南宋歸浮汜
風月東甌屬射堂
張酒未妨滄海窄
橫琴不覺暮山蒼
端居末世真清絕
隔斷紅塵水一方

醉吟呈浮汜主人

楊淡風

名園折柬集羣公
吳下論才愧阿蒙
杯底雷霆龍起陸
吟邊風雨鴈橫空
金瓶擁座蘭言臭
鐵板當筵劍膽雄
高話人天丁浩劫
看他歐亞付沙蟲

贈甄宇襟字二十韻

鄭坎園

開代好人物
家世紹簪纓
永嘉佳山水
鍾我駢枝英

昆仲聯產

取士崇宋制
海內響錚錚
濟濟復踰踰
翮乎上舍生
江東讓獨步
冀北奪先聲
讀書凌秦漢
制作陋明清
山濤羨名器
二劉擢金莖
蛟龍多美種
鳳鳥相與鳴
三珠並鼎峙
有少一跳人又驚
飄飄儷雲母
濯濯混水晶
飛鶴撼徐福
燈前畫蓬瀛
甄字曰本初許鄭眼中重
王黃足下輕
白鐵鑄作州
黃金書滿籬
大椿陰荔翳
鐘呂聲增呖
手掣滄海鯨
氣噴華雲猛
千里奮驥足
二難駮鵬程
鬱為家之幹
蔚為國之楨
絕學承大力
指章良知本陽明
指上海南洋中學校長王培孫機雲古唾棄
元季今聯名
太邱善功德
有子足生平

重游飛霞洞

甄字

此日歸來客，翛然續舊游。天空飛鳥迴，木落遠山秋。古碣六朝在，新詞半壁留。去秋借仲弟襟字題句於此卧龍呼不起，撫劍倚危樓。

憶舊

甄字

金粉南朝蹴馬蹄，東風幾處鷓鴣啼。江山舊恨陶詩酒，天地無情沸鼓鼙。腐草垂楊淮水上，繁星曉月玉關西。十年看劍功名誤，惆悵殘宵一枕雞。

游雪山

甄字

我昨夢入喜馬拉雅山，山高氣冽非人間。玉立萬仞雪飛白，優哉游哉獨往還。鷄聲五鼓啼不住，半天飛度忽驚寤。不見喜馬拉雅山，但見東方曙。噫吁嘻，人生到處可頑嬉。昨夢茫昧莫我知，東甌夙稱山水窟。盤古斧鑿造化奇，邈來八千歲。雪山紆餘鬱嶷嶷，一掉艇舫及行樂。汗漫好赴山靈約，東望晨光熹。復微十里炊煙動，村落釣磯深處魚。出沒平湖一嶼練，灑灑霎時遠溯淨。水鄉舍舟褰衣尋絕壑，捫蘿葛躡虬龍山。祇蹕嶺嶠水若警，流淙繭足逶迤陟。陁峴勞頓豈恨蹊，絕蹤蜿蜒鳥道近。尺咫登臨暇日意未

窮荆榛糾結轍跡滅千巖複疊神鬼工積石覺路塞深林
幽徑通高矚隨陽雁俯聆大谷濊行行重行行頰首蓮花
巋然獨聳九霄中

謁葉水心先生墓

甄 宇

秋老慈山白雁高佳城無恙草蕭蕭人天蒼莽傷知己闕
下忠魂何處招

卓地殘碑姓氏丹祇留白骨傍青山鼯鼯不走松濤怒江
上一鴉空往還

離亂及身遑論功文章南渡識英雄他生海恨精禽在牛

酒更誰一奠公

讀史有感

甄 宇

江山故國思悠悠白日黃塵鸚鵡洲姓字長埋荒塚冷可
能心事證千秋

橫梁當年事已空雀臺春去怨東風帝王盜賊終黃土羞
煞曹瞞一世雄

送陳彥甫歸里

甄 宇

雨雨復風風朝朝古甌東歎息遠行子千里感飛蓬我亦
江湖侶君真長嘯公攜手話太古蒼莽此心同

送君離亭外西風吹暮愁繞朝贈短策白也駕扁舟月落
 屋梁曉雁鳴草木秋行雲天外遠尊酒結綢繆
 翫穢江東客平生劇風塵豐城鬱劍氣荆山蘊奇珍為我
 且降德剪燭當良辰昔者常相聚今邈胡與秦

浮沚聯句

明月一輪雲湧來浮沚臨風仗劍獨登臺乙仙南飛烏鵲
 繞三匝甄宇北走龍蛇鬪眾材淡風世縱塵魔牽傀儡乙
仙天教海恨破樽罍淡風江流萬古聲嗚咽浮沚淘盡英
 雄第幾回甄宇

客中秋懷次韻八首

甄宇

搖落天南草木秋家園回首悵同游五更鼓角催人夢滿
 地江湖觸旅愁時事於今棋末局英雄幾輩涕橫流陰符
 午夜疏燈伴風雨瀟瀟海上樓

隻身作客賦登樓人世浮沈幾度秋宦轍關中驚日盛征
 袍海外覺風遒狂游每作歧途泣盛會難追禊事修蒿目
 時艱搔首問蒼蒼何日戰雲收

黃花老圃傲霜妍簾捲西風又一年擊楫渡江偏我感悲
 歌蹈海復誰憐殘碑岡上空餘恨長劍牀頭未敢眠昨夜

蕭齋懷舊雨關河幾處夢魂牽

天風百尺振帷裳直上高樓眺大荒關塞黃塵滾落日江
天白雁渡重陽銅駝草沒何人問甲馬雲屯暗自傷安得
凌霄雙翼借鵬程九萬任翱翔

斫劍狂歌喚國魂茫茫何處叩天闈功名一世人情薄離
亂千年吾道存顧影清流還自照澆愁濁酒待誰溫大江
南北頻回首祇賸夕陽入燒痕

蕭瑟江城畫角哀爲誰長嘯復登臺三升赤血憂家國百
鍊丹心肯稿灰烽火連天星斗暗荆榛徧地羽書催詩瓢

酒殘添多少夜半無人腸九回

不破匈奴不返家半生事業等朝華玉關夢遠悲殘月銅
柱秋高吊斷霞漫道男兒皆傀儡更堪父老話桑麻頻年
最感樓頭望蒼莽中原暮靄遮

春風裘馬憶京華秋水伊人賦露葭過隙光陰何草草浮
塵世界太花花尊前慣唱征西曲客裏又傳隴上笳珍重
壯懷傷寂寞西風啼斷白門鴉

賀甄字嘉禮祝詞

左菘軒

周南正始安世房中鳳皇六琯聲應雌雄猗與林君西冷

望族風曜穆清文豔彬或有媯之後名媛誕生令聞在室
嶽音事庭儷德駢心佳偶日如玉潤雙流有如珩珮結褵
叶吉合衽交歡良宵露湛月鏡團圓柔順利貞敦懽堅固
君子宜家縣縣禱祐長樂行觴景星照堂謝蘭寶桂華葉
將將金釭二等寵貴富有頌聲作謠大喜在後

催妝詞賀伯兄甄字

襟字

昨夜月輪皎今朝梁日妍容華希顏色歡合挺雙蓮新郎
温如玉新娘妹且賢曉寒歌未竟爭睹衍波箋
涼風颺南國珠英耀華堂清晨初試筆入午未成妝龍蕊

分髻罷雁孃進澤忙美人出東閣顧盼畫眉郎

與李劍青夜話

襟字

西風夜打屋寒透五銖服時別復時逢書筴娛心目晴雨
天有意深池魚交逐三競君須知近人學說以身命競富貴競消極競為天人三競

競
人生車轉陸

送陳彥甫歸里

襟字

邕邕隨陽雁翺翺于飛燕雙鳥南北翔游子心可見來時
水稻香去時霜花炫聚散何不常憂喜交相纏秣馬山雲
黯鼓棹江濤濺重陽多風雨迢迢返邳縣木葉送君行寒

商令人顛攜手重踟躕臨歧復依戀君具師道才迤邐邁
時變世亂不可爲歸讀高士傳交誼淡以親從來有遺諺
音書慰寂寥何必長會面

雪山謠 山在生薑門外淨水鄉

襟 字

雪山山不高望之使人心自驕雪山山不遙躋之不用車
與橋雪山無雪名何昭想是五千年雪未全消雪兮雪兮
何處飄直以此名欺吾曹二十年來未上雪山椒今日登
之一覽江山之形不可逃泉水流滔滔砉然觸石聲怒號
近如猿鶴向夜嗥遠如仙人奏靈璫闐如千軍萬馬酣戰

折弓刀激如奇士空山讀楚騷儵而九道白波挾狂飆奔
流併作練一條風颺颺鳥曉曉草木搖落松柏凋黃雲走
石出山坳白日向西擱林梢巉巖蹲伏似虬似虎似鯨鰲
鱗甲欲動風吹毛雪山不可久留兮耳目應接形太勞俯
仰其間怛怛兮怵怵興因雪山發好爲雪山謠雪山山何
高日落不見炊煙起城壕雪山山何遙磴道百折勢嶮嶮
雪山無雪名自昭我欲扶搖直上太古積雪訪九霄

讀史

襟 字

匈奴右臂入三關不復瑤池獻白環思政明臺空煮海曜

威宣室又開山在餘魏武先天力却有昭君墮馬鬢胡虜
千年遺恨事神功聖主可能刪

曉起

襟字

初醒星尚爛再醒日始旦夜長夢亦長欲書忘其半

題梅花畫幀

襟字

一笑臨風鳳子飛梨花如夢雪成圍雕籃春滿阿嬌屋綰
袂香生仙文扉歌舞紅羅同逝水佩環玉照對斜暉當年
衝曉江南路未抵孤山住羽衣

九日偕襟字買舟登吹臺山

施肅丞

重陽佳節住秋飈十里波平盪畫橈樹自有情勞遠送山
如好友競相招磨鎌農穫雲千畝曬網漁歌日半橋知否
吹笙臺下路為停雙槳問歸樵

不須著屐跋山巔半似乘輿半似眠石訝鷗蹲工點綴路
疑馬磨妙盤旋斷崖深處泉聲靜貼地人家樹影圓極目
江天無限感暫留僧寺謬談禪

次韻

襟字

大陸塵揚走迅飈吹臺有約暫停橈仙歸何處朝雙鳥世
亂更誰賦九招景倒澄潭鳥旋壑峯迴絕頂客乘橋

本史記河

渠登高好作龍山會莫把滄桑話老樵

木葉翻風下岫巔粼粼石枕斷流眠竹寒沙碧梁飛出翠
繞烟迷路轉旋壯志不妨閒裏見慧心且向靜中圓浙東
人與江南客佳節來參玉版禪

無題錄示襟宇

錢伯吹

風攪窗櫺冷逼紗紅樓遙指美人家夕陽別院鈴聲緊絮
語篝燈鬢影斜填海三生空有石使星一箇未乘槎何時
重到天台路萬樹桃花踏作霞

望斷青山見遠蛾華年草草又如梭燈光紅種相思豆蓮

漏清聞子夜歌夢冷湘江微有淚秋涼銀漢悄無波生知
不免多情累願即蓉城換薜蘿

贈別兼示襟宇

李劍青

聽唱驪歌一曲終故人今夜下吳東不知月下烟帆影飛
過江南第幾峯

秋感錄呈襟宇

徐筱墀

四顧蒼茫夕照沈酒酣拔劍發悲吟憐才孰具英雄眼撫
髀重傷壯士心錦瑟年華如水逝銅琶哀感入秋深相逢
慎莫談時事滿地寒蟬噪柳陰

寄懷襟宇

鄭湘舲

別來幾見月當頭去已無心住亦愁
報道樊川狂勝昔癡懷時復夢揚州

名疆利鎖兩無因芳草天涯賸客身
昨夜中庭看明月故鄉應有未眠人

浮沚芙蓉盛開卽席聯句

江上新霜爛漫開淡風謝公詩句庾公才
風流太液羸三醉錦繡成都占一堆浮沚
拂劍客磨秋水出淡風褰裳人趁晚霞來劍青
焚香別殿頻追憶浮沚鏡下何時得意回

襟宇

同人浮沚夜飲以猶有黃花晚節香句分詠仿鶴頂
格不拘體韻

猶是秋搖落更堪雲暮飛一樽如可醉世事未全非浮沚

有恨風雲餘寶劍無情日月誤儒冠文章曠代湘纍在未

許曹王擅建安灞南

黃菊籬東醉白衣羲皇舊夢未曾違古來晚節都珍重莫

說江山往事非坎園

花下澆愁借濁醪問天無語首頻搔名山我亦尋歸計不

待秋風吹鬢毛俠腸

晚對黃花笑落英若可餐秋殘冬又至醉後覺風寒襟宇

節物全非昔天心不可回黍離秋滿地何處吊西臺曠民

香浮一大白時事不堪論誰是陶彭澤歸來松竹存劍青

和浮沚猶有黃花晚節香鶴頂格社題

胡濬智

猶是荒江舊隱淪百年如乍寄閒身平生亦抱東籬癖合有淵明在比隣

有書且讀三墳外秦火燒殘博士餘一卷玉函頻點竄瘡

瘼滿目正愁余

黃農事業已淪胥流落人間有寶書封豕西來原糟粕靈

蘭薪火恨虛如

花前偶白誦南華庭樹蕭蕭鳥不譁撩亂情懷無體例祇

愁垂老不名家

晚來秋色漸蒼涼十月庭梅暗動香正是楓湖老居士一

簾花影讀蒙莊

節過重陽風雨多孤燈殘漏意如何十年擱筆吟腸瘦白

雪愁污下里歌

香國何時聚百花芬芳徧及野人家吾家亦有芝蘭種春到階除欲放芽

浮沚重叙同人以楓落吳江冷句分詠仍仿鶴頂格
各限七絕一首

楓樹着霜紅更紅白雲印水空還空菩提明鏡非玄理色相由來造化工襟字

落江星斗冷吟情五字尊前鬪信明一曲庭花一回首成樓幾閱景陽兵又聞

吳鈞燈下懶重看酒醒西風割面寒安得天心強人意碧

空長掛月如盤

浮沚

江天露白冷蒹葭寄傲東籬猶有花多少美人遲暮感文章絢爛屬誰家

灞南

冷暖風塵賸客衣衡陽秋盡雁南歸旗亭他日重開譙活火一爐雪四圍

曠民

和楓落吳江冷鶴頂格社題元韻
符笑拈

楓老霜林不斷紅烟波詩境一天空流傳五字千秋賞何必丹青比畫工

落筆蒼涼言外情池塘春草其難明續騷九辯殊多事宋

玉差堪作老兵

吳詩哀豔怕繙看江左人才骨已寒縱酒莫談桑海劫夜
闌燭淚滿銅盤

江雁棲棲折露葭荻蘆飛雪欲成花何時泛宅樵青伴書
畫人間認米家

冷眼乾坤大布衣純鱸此日歎空歸名園爭道黃花好一
醉愁城破鐵圍

和楓落吳江冷鶴頂格社題

潘季俠

楓落吳江五字工苦吟我亦坐詩窮年來欲獻閒屠草恐

惹參軍目一空

落魄江湖鬢已星不堪回首泣新亭獨憐江左諸名士逐
盡風波跡似萍

吳鉤賣後心如水風雨蕭齋一枕高猶有不平聲入耳四
山怒撼萬松濤

江海相逢憶少年坐花醉月夜開筵遞來白髮新詩句一
度披吟一愴然

冷露疏風逼柳汀半塘秋水浸寒星淒涼此夜河橋泊不
見屯田宿酒醒

浮沚聯句

月落松臺花影橫襟字霜天高處有鐘聲乙仙乾坤俯仰
聊如是浮沚不盡蒼茫萬古情牖民

龍吟不作作蟲吟滿南屈宋遭時共此心浮沚我讀離騷

重感慨牖民廢書長夜獨橫琴乙仙

山堂未雪鬪尖叉乙仙昨夜江梅半着花牖民香影飛來

天外句滿南呼兒付與壁籠紗浮沚

百日酬唱錄卷下

永嘉林第二郎襟宇氏編

林第一郎甄宇氏校

遊學美洲賦此留別

襟宇

二十功名貌不揚本裴度自贊獨留冷眼少年場捷椎枉擊須

彌頂昔在滬與諸同志組織學生軍銅柱空標碧海鄉瓜蒂瓜臍地兩極

隨離隨亂國千創運河也奪天工巧美洲新開巴拿馬運河誰向金

山較短長舟由舊金山登岸

淨洗甲兵力挽河天心已死手頻呵虛紆治越醫齊策又

入探珠採玉魔奇蹟人間雙屐徧異書海外十年多於今
卞薛勞重問結綠青萍肯折磨

故鄉少住月三弦唱到驪駒意黯然孤鳳昨方南返穴征
鴻今復北凌天壯遊島國星如布遠渡關河雪一鞭父老
多情齋越品橘橙好景記今年

狂吟百日醉醒中

秋間自上海南洋中學畢業歸與諸前輩唱和閱百日矣

是日河梁

悵別公雙杵聲催霜月曉片帆影落海天空縱無詩句懷
鄉國別後恐不暇詩自有音書遞閩風一去應教飛雪笑孤山梅

放萬枝紅

臨歧阿父數呼兒爲我恩深慰別離胡累無家且休怨天
教大任古如斯平生壯志摩黃鵠十萬前程駕白鶴弟妹
相分還相問一天風雪馬何之

此行不是玉門關阿母高堂好破顏昔日華夷天隔絕而
今文軌道非艱時裝祖國規模變風俗羌陬夢想間腰似
楚宮髻漢苑黃農往事在人寰

綽綽詩歌好弟兄最難兩楷和雙卿曾從鶴嶺踏雲過丁未

年借伯兄甄字自

更上金臺呼月晴

明歲借伯兄

湖上扁

舟歸范蠡

伯兄自日本歸娶

日邊飛鳥托莊生鶴鶴十載沙頭住

親老菟裘孰倩管家嚴近營壽壙以王仲瞿孤山魂墓半墳詩句額石

月曉霜繁長短亭飛輪指日渡零丁扶桑春近雷霆震黑
海秋高鋒鏑腥鯨化一朝出塵表鯨吞四大破滄溟張騫
槎與班超筆看我歸來鬢未星

送別襟宇即次原韻

項輿卿

平生豪氣本飛揚西出陽關盡戰場西歐各華夏於今皆國構兵
角技英雄自古半離鄉千金難買年華富萬里求醫國病
創燕雀安知鴻鵠志縱橫雲海路途長

累朝威武定山河白帽西來一笑呵上國觀光蒙幸福彼

都游士解吟魔前朝西士游學中國說詩往往解頤關中盛會風雲壯海外

承恩雨露多躬際昇平弄文墨此身英銳已銷磨

風動桂林月滿弦江關秋興倍騷然破顏歡笑無過酒搔
首躊躇欲問天奈我故宮感離黍是誰遠道促征鞭棲棲
車馬非無與整頓乾坤屬妙年

年來足跡半寰中腹有詩書傲上公入洛吟情懷舊侶談

瀛浩氣貫長空虎門夜嘯潮頭月君丁未客八閩鳳闕春歸林下

風君戊申游京師少小離家今及冠馬蹄踏徧落花紅

人生難得有佳兒才大不羈遠別離海曙晴雲時欲出崑

山美玉有於斯星回春浦來雙雁珠媚西河探兩螭君兄弟甫

自上海南洋中學畢業歸歸侍寢門無幾日拊脾躍馬復何之

異國陳書不叩關聞風游子盡歡顏金山直抵交通便鐵

軌渾忘行路艱新闢運河三百里重開廣廈萬千間此行

賺得蘇秦印一日聲名滿海寰

踽踽獨行遠弟兄一鞭風雪餞賓卿寄梅驛畔鴻歸晚夢

草堂西鵲噪晴臍蒂瓜分睽兩地葛藟根庇繫同生君兄弟學

生畫樓重聚開花萼寄語園林及早營君家新築公園

勒馬茫茫落照亭還將事業托雙丁夢隨黑水天無際血

戰歐洲海有腥歐戰未解定遠封侯亦西域虬髯得志是東溟

顯揚他日歸衣錦鬢髮高堂半未星

次襟宇二兄留別原韻

楊中競

束髮男兒意氣揚論交大抵俠游場拯時事業心軍國壽

世文章屬帝鄉名士青山彈玉局英雄白首檢金創草堂

無限殘書卷肯負匡居歲月長

翱翔京國復關河踟處頻將禿管呵未熟金丹難入道願

揮玉杵獨降魔古今畢竟傳人少天地從來恨事多十載

辛勤千載業龍泉猶惜苦心磨

商聲午夜入琴絃澤國迢迢一慄然壯士胸中多恨海勞
人頭上有情天五都雲慘鳴金鏑十島風高策鐵鞭梧柳
蕭條霜葉禿關山濶別又今年

彈指琴樽十載中扶搖霄漢幾明公雲寒孤隼星河近浪
擊長鯨滄海空太素世瞻龍首日子安天助馬當風丈夫
獨吐生平氣壓帽宮花滴露紅

逐隊少年游俠兒形容忽忽坐支離祇慚搖落同張緒慣
愛丰標說項斯才筆我曾吐白鳳游踪君已駕青螭天池
風引蓬萊近掇日擎雲任所之

遙遙聖域接賢關振起文明繼孔顏萬里風濤重托足千
秋道學一投艱志探月窟周天外書讀姪嬛福地間載譯
拉丁希臘字神碑响嘯在塵寰

長我數年事以兄談詩夙昔羨飛卿韶華禪榻聽春雨裙
屐玄亭騁曉晴海外搏鵬爭自奮江頭飛絮嘆勞生草茅
坐誤予何用不及多才慘淡營

一鞭落日短長亭小住烹泉試苦丁蓋代大名天馬迥漫
空駭浪毒龍腥吾生責望重山岳他日尺書盼渤溟翹首
海西雲五色客槎常拂斗牛星

送襟宇游學美洲

顧平之

天下孰英雄瘡痍滿目中
西球極寥廓東國半牢籠
彈雨魂飛碧槍雲血濺紅
前途須努力保障賴吾公

符笑拈

年少稱詩林氏子鵬搏一去九萬里
飛槎厭作斗間游長劍聊從天外倚
化人西極居何方地圓卵黃足
心底瑤臺樊圃昆崙邱羣仙銖衣粲玉齒
中朝全盛奔海人互市鰈鷁紛不已
琛航入境象譯勞使轡出疆龍節弭樓船
瞬息驅飈輪溟渤一泓衣帶耳駿行三萬事
何奇騶說九州道

猶咫拘土跳跟蛙井中濁世沉浮雞甕裏
未堪掉臂追盧敖況欲御風同列禦羨君才名
噪紈綺龍駒箭雲鳳軒起舊學從師早入門
近詩結社頻倒屣興酣落筆四座驚頃刻珠璣
百千紙一朝意倦擲毛錐旗鼓吟壇閉營壘
單身負笈便出門坐見游踪徧歐美學成回國
出瑰材鮫綃驪珠炫都市玉堂歸娶事已非晝
錦還鄉人亦鄙只將新識餉朋儕千載儒酸風
一洗君詩白雪和難成且發狂歌送行李華胥
境界樂何如他年爲我三日語

葉嘯溟

穹廬鴛鴦鳥雲開佇賀江山酒一杯始信虎頭歸將種敢
云驥足本天才關中昨夜西風起海外何時北雁來欲別
揚鞭重絮絮蒼然日景下松臺

徐班侯

驪唱動江干乘槎逼歲寒校風歐美盛眼界海天寬浪破
重瀛易書羅萬國難此行因嚮學莫作薄游看

楊淡風

二陸雙丁久不逢幾家妙製鬪芙蓉看君兄弟文章好寶
劍延津兩化龍

才從林下盍朋簪又鼓雙輪大海濤風雪重瀛十萬里艤
樓日日有龍吟

丈夫脚下小滄溟萬里從來是戶庭不似老愚老屋底課
兒黃葉一銜青

少年事業在居諸豈肯尋常破五車海外佞廬重譯徧讀
書方不負名儒

霸圖莽莽說江東勝地瀛寰兀不同一到彼都華盛頓鮮
花萬朶拜英雄

車塵馬足縱游鞭不負多文司馬遷況是江山異故國盡

收野史入宏編

參軍蠻語越清新咳唾臨風卻有神聞道詩人即拂落課

餘吟壘一超身

學成歸國解雕鞍為汝冠塵親手彈始信蘇章千里笈從

師自古總艱難

歡然風雨擘吟甌三世與君文字游書錦他時華燭豔梅

花消息到枝頭

陳子萬

海外故人誇眼福指英人列邦大會常僕僕環球世界供

品題仙境何如新大陸複道輪轅飛半空街衢穴地何玲

瓏電通碧海神機運露積黃金沙磧同中原路隔海漫漫

夢裏行蹤到亦難北渡多君有遠志臨歧惜別翻為歡梓

桑父老高期許徐穉之詩如告語指徐君此行莫作浪游

看豪客英年吸美雨欲駕雲帆奈予老羣兒北行遲上道

小兒闕恕闕慧畢業浙江省乘風破浪託豪吟閉戶挑燈

高校後擬赴北京大學未果

羞起草

古今不乏真男子大半輕肥誤少時游俠幾人追趙勝論

才異代抗陳思橋門環顧文章盛宗教旁搜耶佛奇萬里
騫槎歸絕域笑談樽俎慰殷期

楊遠峯

公子離筵謔大風山人擊節唱江東九夷無地居夫子兩
美於今有聖功世以拉丁判文字天生林肯是英雄讀書
當裕匡時畧措置神州笠笈中

許乙仙

江天昨夜遞征鴻祖道驪歌雨雪中一卷新詩萬里路縱
橫鯨背駕長風

塵海萍蓬寄此身桃潭千尺愧汪倫依依博望乘槎去唱
到旗亭少一人

錢伯吹

鄒子九重瀛海說東方枚數十洲居好從岳瀆山經外補
讀人間未見書

圖記今披新大陸舊游觸我愧東流求仙未醒黃梁夢要

枕蓬萊作卧游

予曾游日本
忽忽廿載矣

封侯博望究何年又見乘槎到斗邊料得彼都人士語客
星飛過地中天

驅海慚無縮地方想游星界兩茫茫日本博士有星梅花界想游記甚佳
自愛江南好天外吟來別樣香

錢仲吹

憑誰隻手挽山河貫日長虹氣一呵迴薄星辰天似醉翻
騰海岳世皆魔英年意氣如君少幾輩牢騷是我多樽酒
長亭掉首去蕭蕭風葉送驪歌

羅光甫

文物衣冠七百年秋永嘉學術緬風流於今墜緒誰能繼頭
角崢嶸柳柳州

黃花香裏識秋高天許閒人醉濁醪且喜霽山樵唱好盡

將文學付兒曹

林霽山先生有白石樵唱集

小叙萍軒一百日又聞驄馬海西行出關萬里休嫌獨猶
有照人漢月明

編詩白傳成初集負闕終軍正妙年他日題名寰海徧蠻
花犵鳥也欣然

離筵燭跋夜淒淒霜落河橋促馬蹄我亦江南分路去相
期風月射堂西

陳墨農

壯游華盛頓飛渡太平洋立志專求學謀身貴自強英年
勤負笈畢業快歸裝試覽留名塔雲程幾許長

施肅丞

闔天垠地戶八荒西窮月竈東搏桑伐謀擠響強權張矛
鋌高羣戈船驥頓戟一謀斧螳螂崑崙壓卵驚狼脍風颯
霧塞日張光洪流火燎成狂攘鸚鵡騰視環豺狼從來佳
兵多不祥盱衡時局思芒芒神州袒裼國無防縱橫五洲
誰衢康共和米利堅稱良北連英圻南墨墨東西萬里枕
汪洋短縱修鍛期終藏珠山寶海富相望外交罔恃兵氣

揚但憑公理橫軫章於德惠頓法學昌思多利亦饒琳瑯
永嘉林君志翱翔壯游興發飛霞觴臨歧欵密心微傷蘄
專門學貴精詳涉從海舶通餘艗體虧權損辱深創不聞
虎哥暨本棠公法著論相頡頏星軺指掌綜宏綱淵源法
例自保障嗟言支那魂早亡徒遺軀壳事徜徉鍼砭廢疾
起膏肓國醫醫國賴扶匡乘風破浪詎尋常寒冬蓄纊歎
儲糧十年竟業趁歸航憐予皚髮便成霜

鄭俠腸

多君少壯効馳驅仗劍乘風出國都百日琴樽消短晷三

冬雨雪莽長途漫從炎漢尊黃帝倘過斐洲弔黑奴秘府
他時搜索徧鵬搏看取絕雲衢

李劍青

披讀吟篇字字新射堂芳草轉傷神十年島國千年史三
尺龍泉七尺身鵬翮垂天雄擊海駿蹄追日迴超塵彼都
從此探奇徧始信中邦大有人

任公衡

繁林收華采紅葉迷斜暉雲鵠思軒舉霜雁任南飛闐闐
起蘋末身與白雲齊矯翼碧海東息迹崦嵫西山川既寥

廓道路復威遲逸翮拂霄漢翰音戾天池弧矢丈夫志胡
爲戀庭闈逝矣遠行客莫興歧路悲

駕言探星渚迺乘博望槎大海壯風溥渾沌孕龍蛇扶桑
耀朝曦穹宇滿紅霞五城十二樓遙矚仙人家西行薄月
窟土女粲於花彼都信繁麗經邦尙豪奢拔地挹婁梯凌
虛奇肱車過客重躑躅蠻語聽嘔啞

中子青雲器深心托毫素舒文廣國華觀書鄙章句北上
黃金臺荆高舊游處武彘啜仙茗奇香浥清露歇浦負笈
行叢殘理蟬蠹齊州九點煙腳底半行路歲暮百草零重

作西征賦拂衣禹域外鱗超無低翥行看春風風施作夏
雨雨學成爲世用故人久延俸

潘志謙

萬里扶桑快壯遊

舟經太平洋

颶輪瞬息又西球頻驚黃禍瓜

遭剖却爲蒼生杞抱憂肝膽如君披愛國頭顱若輩換封

侯男兒自古誇勲業已落人間第二流

襟宇世講游學美洲適余客滬上於其臨行時賦此

送之

胡榕村

去國九萬里問年二十齡輕裘伴書劍大海極滄溟格磔

鈞鞞語勞行斜上形從知西學美臨別重丁甯

羣紀賢喬梓機雲好弟兄一門崇物望萬里壯君行大陸

風雲慘強鄰意氣橫相期華盛頓歸爲國揚名

襟宇游學美洲臨行索句口占一絕奉贈

陳仲陶

長風萬里送行舟鼇背乾坤日夜浮試向舵樓回首望青

天一髮是神州

乘風破浪行送襟宇

潘季俠

我欲乘風凌太虛安得天馬駕雲車我欲破浪窮萬里安

得神鞭策龍鯉破萬里浪乘長風誰謂宗慤非英雄林子
聞之嗤以鼻謂是蚊睫蠅蟲壯游宜向海外走驅策飛
廉役川后一葦直杭太平洋浮槎何足犯牛斗憶昔騎鯨
東海東蓬萊樓閣湧青空舉手曾捫扶桑日濯足曾翻鼉
鼉宮瑤草琪花羅三島三千童男從此老宴安恐是鳩毒
媒幸我歸來尙及早憑誰飲馬長城窟朔風煉成健兒骨
馬蹄凍蹙瀚海水胡笳吹裂輪臺月焚龍庭掃虎穴窮兵
黷武烏足說月氏頭樓蘭血釁刀貯酒豈奇絕千金昨日
買吳鉤逍遙西出美沙游觀光須賓法治國聲明文物恣

窮搜願聞合衆政無取萬戶侯其諸異乎人之求我聞斯
語動心魄俯仰不覺天地窄變徵一曲爲君歌歌聲飛貫
長虹白

襟兒赴美示以一律

浮 汜

京門射策幾春過登笈重洋水又波思逐白雲天共迥氣
吞滄海月初磨龍蛇山澤千年運麟鳳風塵萬類魔國恥
男兒薪膽在一秤讓我老巖阿

仲弟襟宇游學美洲賦此誌別

甄 宇

壘簾合奏少年場裘馬豪游幾度霜采藥東歸愧徐福昨自

日本登樓北望感王郎曾借仲弟游都門忽忽十載每一念及感慨係之延秋荆

棘頻流涕消夏鶯花更斷腸歲暮江天揮手別出關那忍

轉牽裳

從來潭水別離多鴻雁分飛可奈何一夜驪駒驚雨雪十

年書劍寄關河挑燈每憶聯牀話橫笛偏聞折柳歌尊酒

卻寒誰與其胡天西去客星過

百篇詩卷壓行裝休問天涯路短長別後何時輝棗萼秋

高有酒醉柴桑平生未遂班超願末世誰知阮籍狂極目

舵樓鴻影外不堪雲樹兩茫茫

江上征帆駐夕暉親朋歧路語依依秋風故國梧桐落華

髮他鄉歲月稀萬頃波濤傳尺素幾家砧杵擣寒衣前途

莫謂無知己雲路三鵬共飛

一眺神州一惘然勞人北馬復南船文章江左空今日詩

酒旗亭已昔年聽徹空山中夜雨催人黃葉九秋天傷時

忍下長沙淚着意先揚祖逖鞭

蕭蕭易水月黃昏往事與君竟夕論鱷浪翻天舟其渡鴻

泥隨地屐留痕看空冷眼五陵客談竭雄心北海尊大劍

長槍名一代更誰詞賦傲梁園

殘宵檢點舊征衫意氣飈揚信不凡京洛塵高嘶健馬春
申潮漲掛歸颿一堂風月飛金瑣萬里關山控玉銜歷徧
十洲三島地重瀛時寄鯉魚函

第兄少小憶趨庭硯席朝朝共受經負笈君今游異域乘

風我亦奮南溟

明春將有
粵東之行

顯揚莫忘親恩重磨勵惟希國

步甯歸日錦衣歡捧筆爭看銀漢燦雙星

百日酬唱錄跋

東甌昔稱詩國自陳葉倡經制之學出其餘力從事於詩
蔚成一代作者四靈崛起唐風復盛降至元明家誦杜李
人嫻吟咏若吾鄉陳氏之清穎一源集季氏之月泉詩派
皆能以詩世其家近世如永嘉曾氏瑞安項氏泰順董氏
力擴前徽幾人有一集山川靈秀竟於詩焉而發之也十
餘年來歐風東漸詩學亦衰不謂百日酬唱錄出現於風
雨晦明中林氏父子兄弟自相師友閉戶苦吟追跡風雅
誠可與陳季二氏旗鼓相當而他日所成就更有大於二

氏者可斷言也不揣淺陋畧綴數言以爲吾甌詩學中興之券丙辰三月西峴頑石跋於信天巢

溫州

1
四
四
四

運州平國書院